

IN VVOLFGANGI LAZII SVI VIENNAM,  
carmen Ioannis Rosini cathedralis eccle-  
siae Viennensis præpositi.

Illustres quæ terra duces tulit Austria, summis  
Heroes habiles & tulit imperijs:  
Luce sua fraudata foret, ni gratus alumnam  
Excoleres, tenebris erueresq; tuam.  
Iam licet exigua per te spectare tabella,  
Impositas arces montibus aërijs:  
Flumina quæ medio properent miscerier Istro,  
Auctior arentem quo riget Hungariam.  
Et quæ clarorum incunabula læta uirorum,  
Quorum posteritas gestit imaginibus.  
Hic Ceres, hic mitis uestit foecunda Lyæus,  
Aequora formoso condecorata croco.  
An tu plus igitur patriæ, uel debeat illa  
Plura tibi, dubito: par utriusq; decus.

IN EIVSDEM VIENNAM, CARMEN GEOR-  
gij Logi præpositi Vratislauiensis.

Pannoniæ tepido tellus prædiues ab Austro,  
Austria, cui nomen nobilis aura dedit:  
Tot regum foecunda parens, tot quæ dedit orbi,  
Et dominos porrò tempus in omne dabit:  
Nascetur teneroq; crocum dum flore, dabitq;  
Austria dum felix munera Bacche tua.  
Quiq; illam findit, foecundoq; irrigat amne,  
Magnus in Euxini dum fluet Hister aquas.  
Foecunda ingenijs etenim tot corda uirorum  
Docta dedit, quorum nomina clara uigent.  
Hanc tamen ante alios tam pulchrè illustrat & ornat  
Lazius, Austriaci fama decusq; soli.  
Ipse suas artes docuit quem magnus Apollo,  
Et geminæ huic cinxit frondis honore comam.  
Namq; idem medica ante alios excellit in arte,  
Et canit Aonio carmina digna choro.  
Quin mundi, coeliq; uias & sidera nouit,  
Terrarum & pulchra diuidit arte plagas.

Idem

Idem res gestas facundo detonat ore,  
Illustrat patriæ dum monumenta suæ.  
Subq; oculis illam tabula tibi ponit in arca,  
Absens præsentem ut cernere ritè queas.  
Nomine quo multum patria hæc sua debet alumno,  
Quæ non ingratum degeneremq; tulit.  
Debebunt reges illi, Germania & ingens,  
Res gestas quorum & nomina prisca canit.

BERNHARDI VVALTHERI, I. V. DO  
ctoris Epigramma.

Magnus Alexander tumulum cum fortis Achillis  
Sigæo aspiceret, talia uerba refert:  
Fortunate quidem iuuenis, cui uates Homerus  
Virtutis præco contigit ille tuæ.  
Clara Vienna etiam multo felicitior ergo est,  
Cui Lazius primus contigit historicus.

VIENNA DE SE, AVTHORE IOANNE  
Syluestro, Græcæ linguæ apud  
Viennenses professore.

Vrbes egregias inter & inclytas  
Sublimi serio uertice sidera,  
Viennæq; fruor nomine nunc, prius  
Cum certum Fabiana  
Nomen castra darent mihi.  
Gaudebam titulo, nec minus alteri  
Felici auspicio scilicet indito:  
Quod successus item comprobat optimus,  
Rerum, nam placuit mox  
Vt Vindobona dicerer.  
Me ciues alij mœnibus optimi  
Ornant: ingenij dotibus ast meus,  
Quas nullæ poterunt diruere hinc uices  
Rerum, dulcis alumnus  
Doctor Lazius optimus.  
Ergo quem genui, quem gremio tuli,  
Lucem cui tribui, quem simul extuli,  
Vt scriptis peperit perpetuam sibi  
Vitam, sic mihi uiuens  
Vuiennæ dedit hanc suæ.

IN EANDEM VIENNAM NICOLAUS PO-  
lites Bruxellensis, philosophiæ apud  
Viennam professor.

*Si quem prisca iuuant ueterum monumenta parentum,  
Hæc legat, antiquis eruta scripta notis.  
Que tamen affixo non sunt metienda Vienna  
Nomine, promisso plus dabit iste liber.  
Regna, lacus, populos, cum totis fluminis orbes  
Gentibus, unius continet urbis opus.  
Hic erit Alpino delapsus uertice, multo  
Flumine ditatis nobilis Ister aquis.  
Pannonias isthic urbes & sceptrâ uidebis,  
Edita uicinis Norica castra iugis.  
Gestaq; cognosces Romanis prælia dextris,  
Iuncta leges ducibus martia signa suis.  
Lazius hæc tanta, qua uerus dicere doctæ  
Conditor historiæ debuit, arte refert.*

IN EANDEM VIENNAM IOANNES  
Leander Silesius.

*Iulia si celebri famosa canenda triumpho,  
Castrâ placent doctis si Fabiana uiris:  
Si iuuat hyberna, & Romanæ gentis amare  
Fortis Olumniaco dum tulit illa solo:  
Æstiuos pariter Fabiano rege tumultus,  
Sit placidus cupida mentis habere labor.  
En stipata suis resonat nunc laudibus, arcta  
Iulia, dat dotes posse uidere suas.  
Lazius hanc uigili cura, studioq; perenni,  
Luce sua nunquam sic memoranda canit.  
Se promum tibi fert ueteri conamine condum:  
Si sapis, hoc poteris noscere multa libro.*

AD EXCELL. PHILOSOPHI ATQVE HISTO-  
rici Vuolfgangi Lazij Viennam, Marci Vassij  
Foroiulienfis Apostrophe,

*Quàm te, quàm nitido Vienna cultu,  
Antiquarius hic tuus poliuit?  
Nam quæ barbarica undecunq; lexi,  
Sparsa, Romulei nihil lepôrâ*

In te agnoueris haec lenus, diserti  
Vulphangi ingenio politiori  
Te, tandem sibi restituta, magni  
Prisca Caesaris è cohorte natam,  
Dicta unde es Fabiana, gloriaris.  
Ergo quem Latium tibi dedit, dat  
Eundem tibi Lazius nitorem.

F I N I S.

Handwritten text, likely bleed-through from the reverse side of the page. The text is mirrored and difficult to decipher due to its orientation and fading.